

Nobilissimo Domino

ROBERTO Domino HARLEY,

Comiti OXONII & MORTIMER,

Summo *Magnæ Britanniae* THESAURARIO.

De Dunquercâ receptâ.

MAGNE HARLÆE, tibi meritum gratamur Honorem,
 Præsidium amissum te retulisse tuis:
 Visa velut prisca *DUNQUERCA* est limina Jani,
 Bellique & pacis Janua nota nimis,
 Unde solet Gallus populantem emittere classem,
 Et cui vicinæ præda fuere rates;
 Ipse novi præbes nobis Commercia Mundi,
 Securum Nautis sternere cautus Iter;
 O quam aptè detur portæ custodia Jani,
 Consiliis cujus Bellaque Paxque data!
 Urbs celebris, dubium est, an te solertior olim
 Qui cœpit, vel qui restituisse valet.
MORTIMER Illustris, priscae tua gloria gentis,
 Sanguine quam faustè visa renata tuo!
 Consilia haud ullo majora in Pectore nata,
 Solersque ad metam ducere nemo magis;
 Alma Salus patriæ per mille pericula Victor,
 Aris & Sceptro qui venit alma salus!
ANNA, decus nostrum, *Europæ* tutela ruentis,
 Chara Deo Princeps, Deliciæque tuis:
 Cincta caput lauro, & viridanti pacis olivâ,
 Tantis tu curis cernere docta parem.
 Cui datur *Angligenis* tandem conjungere *Scotos*,
 Quod servatum uni fata tulere tibi.
 Quæ, patriâ salvâ, *Europæ* das otia Terris,
 Marte foris foelix, consiliisque Domi;
 Ipsa tenes *Europæ* æquato pondere Lances,
 Quamque venit doctâ libra tenenda Manu!

J. C.

L O N D I N I;

Apud Johannem Morphew, prope Aulam Bibliopolarum. 1712.